

Diuz Daez Duzlingz Gauj Duzmwi



小猴的考题

lien z dwk gouz naeuz.

“Mwngz haengdingh gyaez suyo z, ok diuz daez he hawj mwngz, dap doi q le dawz saw boiz hawj mwngz, mbouj ne, ci q gou yawj sat le cai q boiz hawj mwngz.” Duzlingz riu naeuz.

“Yienghneix ndei ba!” Duzmwi fouznaih dwk naeuz.

Duzlingz naeuz: “Miz sam cungj saw, gyaqcienz baenbied dwg 15 maenz, 20 maenz caeuq 23 maenz, cungj gyaqcienz dwg 150 maenz. Sam cungj saw neix gak miz geijlai bonj?”

Duzmwi siengj yaep ndeu, naeuz: “Gij saw 15 maenz caeuq 20 maenz gak miz bonj he, saw 23 maenz miz 5 bonj.”

“Va, suenq ndaej caen vai q ha! Mwngz dwg baenzlawz suenq ha?” Duzlingz haen naeuz.

Duzmwi naeuz: “Bouh cei q youqgaenj dwg suenq bonjsaw 23 maenz miz geijlai bonj. Aenvih cungj gyaqcienz dwg 150 maenz, soq govei dwg 0. Soq 23 maenz haemq daegbied, cungj saw neix bonj soq gwnz govei dwg 5 roxnaeuz 0, cij miz gojnaengz ndaej daengz cungj soq 150 maenz. Danghnaeuz bonjsaw 23 maenz miz 10 bonj, couh dwg $23 \times 10 = 230$ (bonj), lai gvaq 150 maenz lo. Ndigah bonjsaw 23 maenz itdingh dwg 5 bonj. $5 \times 23 = 115$ (maenz), $150 - 115 = 35$ (maenz). Gij yungzheih couh suenq ok bonjsaw 15 maenz caeuq bonjsaw 20 maenz gak dwg bonj he.”

“Mwngz caen coengmingz, boiz saw hawj mwngz gonq ba!” Duzlingz dai gwnz faex diuq roengzdaeu j, dawz saw boiz hawj duzmwi lo. (Duz Sauyoz)



Guhcaemz Aeu Miz Hanhcaeq

玩游戏要节制

Miz ngoenz ndeu, gou cam daxmeh: “Vihmaz daeggo ndaej guhcaemz densw youzhi, gou cix mbouj ndaej ne?” Daxmeh couh hawj gou guhcaemz baez ndeu, neix dwg gou seng daeu j baez dai h’it ndaej guhcaemz densw youzhi. Daxmeh gvidingh gek ngoenz he guhcaemz baez he, baez he cei q lai ndaej guhcaemz 20 faencung.

Ngamq hainduj gou lij hanhcaeq ndaej sw hgeij, doeklaeng couh mbouj ndaej lo, gou ngoenzngoenz cungj siengj guhcaem. Daxmeh naeuz: “Aen singhgiz neix mbouj cinj guhcaemz youzhi lo.” Gou rox dai hix mbouj miz yungh. Daxmeh naeuz: “Mwngz gaenq maez haeu jbae lo, cai q yienghneix roengzbae, haengdingh nguh hagsib.” Gou geiqmaenh gij vah daxmeh lo.

Seizneix gou hwnj ngeih nienzgaep lo, lij guhcaemz densw youzhi. Mbouj gvaq, cij dwg ngoenzci et ngoenz gya jgeiz cij ndaej guhcaemz yaep he.

(ngeih nienzgaep Dangz Yizloz)

Nyeuqgim Caeuq Nyeuqnamh

金子 and 泥巴

Nyeuqgim deng haem youq dai j namh, ngoenzngoenz caeuq nyeuqnamh youq doxcaez, song de hwnzngoenz youq doxcaez, baenz baengzyoux gig doxndei.

Miz ngoenz he, nyeuqgim deng vunz vat bae lo, nyeuqnamh hix deng fan hwnjdaeu j lo, deng daengngoenz dak sau j, cix mbouj miz vunz leixlangh de. Nyeuqnamh saetbae baengzyoux cei q ndei, simcingz bonjlaiz couh mbouj ndei, seizneix engq nanzgvaq lo. “Nyeuqgim henjmyagmyag, gig dijbau j; gou cix ndaemndwtndwt, soqlaiz mbouj deng vunz gyaez.” Nyeuqnamh gag gangj gag naeuz, de yied siengj yied siengsim, nyaenx mbouj ndaej

dajnga’nga lo.

Gofaex hung dingqny i nyeuqnamh dai j, gvnsim dwk cam: “Lanmbauq ha, mwngz guhmaz dai j lo?” Nyeuqnamh couh gangj gij vutheiq sw hgeij okdaeu j. Gofaex naihsim gienq naeuz: “Lanmbauq ha, gaej dai j lo, byawz naeuz mwngz mbouj miz yungh? Mbouj saenq, mwngz ngiengx gyaeu j yawjyawj.”

Nyeuqnamh ngiengx gyaeu j yawj sei qhenz, sei qhenz gizgiz cungj dwg gomiuz heusausau, go nyw j heuswdswd, gwnz diegnyw j lij hai miz dujva homfwd fwd. Gofaex vah naek cingz laeg naeuz: “Doenghgo gwnz dieg majhung cungj liz mbouj ndaej namh, gaej



yawj namh ndaemndwtndwt, mbouj yienhda, hoeng gungyen cix gig hung bw!”

Gofaex youh naeuz: “Lanmbauq ha, yi yi sengmingh mbouj dwg sw hgeij di j geijlai cienz, dwg sw hgeij cau h ok geijlai gyaciz.”

Dingq gofaex gangj le, nyeuqnamh riu lo, de enj aek naeuz: “Gou itdingh guh ndaej engq ndei, sawj sw hgeij engq miz gyaciz!”

(sam nienzgaep Mung Vwnzcez)

sij cozvwnz cingzgingi

Gaemdawz Song Mbiengj Cih “Caeuq”

抓住“和”字的两侧

Gvaq 20 faen cung le, lauxsae cam daihg ya: “Siengj ndei sij gijmaz caengz?”

Miz boux doengzhag ndeu naeuz: “Dinglingz miz baez ndeu, gou youq gwnz hojceh bungz daengz boux baengzyoux ndeu, song boux dou yienznaeuz gaxgonq mbouj doxrox, hoeng daihg ya youq naengh ci duenh seizgan dinjdin j neix, doxgangj doxyouq ndaej gig angq. Gou cingj de gwn gagaeq, de cingj gou gwn mak. Doeklaeng gou naengh youq henz cueng deng liengz, dungx in lo, de dawz yw okdaeu j hawj gou gwn.

Daengz camh le, dou nanz baen nanz biek. Aen dizcaiz neix sij ndaej lwi?”

Lauxsae naeuz: “Mwngz gangj haenx dwg saehcingz dinglingz fat-seng, gienh saeh neix au mwngz caeuq boux vunz mbouj doxrox haenx lien zhaeh youq doxcaez, cijaeu miz yi yi, mizyinx, couh ndaej guh dizcaiz sij faenzcieng.”

Yenz Beibei cam lauxsae: “Dizganh gou gaenq lied ndei lo, mbouj rox sij ndaej mbouj ndaej?”

“Mwngz sijsaeq gangjgangj.”

Yenz Beibei gig rox gangj vah: “Gou siengj sij ‘gou caeuq hagseng

gou’.”

“Mwngz lij miz hagseng?” Dangz Dahai j doeksat dwk cam.

“Hagseng gou dwg lwgvunzbaengz.”

“Miz ei qsei, mwngz gangj roengzbae.”

Yenz Beibei cie p naeuz: “Gou mwh iq gig gyaez dang lauxsae. Hwnj siujyoz gaxgonq, gij vanzgi wnq cungj deng daxmeh sou bae lo, cijmiz roek lwg lwgvunzbaengz mbouj sij ndaej hawj daxmeh coux haeu j sieng vanzgi bae. Ngoenzhaenx, gou lumhlumh lwg neix, yawjyawj lwg haenx, cungj



roxnyinh aenda hung lwgvunzbaengz lwglwg cungj gig miz gamjcingz yawj dwk gou. Gou siengjsiengj le, gietdingh hawj gyoengq lwgvunzbaengz hwnjdangz baez he. Gou ra roek aen daengq iq daeu j, dawz lwgvunzbaengz cuengq gwnz daengq bae, bang gyoengqde naengh ndei. Gou youh ra gep hwzbanj suliu he, venj youq gwnz conghcueng. Faenjbit dwg gij faenjveh daxmeh caiz buh yungh haenx. Diuzbien hwnjdangz dwg gai q dawh. Cunjbei ndei le, gou naenx aenlingz gwnz danci, ‘dinglingling’, hainduj hwnjdangz lo.” (2)